


中華民國七十五年七月台一版

石刻史料新編

第三輯

精裝四十冊基價七六二・〇元正

版權



所有

編輯者 新文豐出版公司編輯部

發行人 高 本 釗

發行所及 新文豐出版股份有限公司

電話：三〇六四六二九・三〇八四六二四
門市部：台北市羅斯福路一段二十號八樓
公司：台北市雙園街九十六號
電話：三四二五二九三・三四二五二九四
登記證：局版臺業字第〇六四九號
郵政劃撥：〇一〇〇四四二六號

石刻史料新編

第三輯

(四〇)

新文豐出版公司 印行

研究參考類

金石稱例	四卷	清梁廷枏撰	0 0 1
金石餘論	一卷	清金澗李撰	0 2 5
誌銘廣例	二卷	梁玉繩撰	0 3 1
墓銘舉例	四卷	明王行撰	0 6 3
漢石例	六卷	清劉寶楠撰	1 0 7
碑版文廣例	十卷	清王芑孫撰	2 2 3
漢魏六朝志墓金石例	四卷附唐人志墓諸例	清吳鎬撰	3 9 3
漢魏六朝墓銘纂例	四卷	清李富孫撰	4 3 1
辛巳金石偶譚	不分卷	民柯昌泗	4 6 9
讀碑小識	不分卷	民茫子	4 7 7
衡齋金石識小錄		黃濬輯	4 8 7
寫禮頤讀碑記		清王頤蔚撰	5 4 3

讀金石萃編條記 不分卷

清沈欽韓撰 573

玄牘記 不分卷

明盛時泰撰 583

東觀餘論 二卷

宋黃伯思撰 617

籀史 一卷

清錢熙祚校 707

附錄一

723

附錄二

735

增續編

金石錄

徐惟琨書



光緒丁亥
耕刊
行
纂
卅
堂
藏
版

序

論語正名漢鄭氏註謂正書字也古者曰名今世曰字禮記百名以上則書之於策許氏說文序云著於竹帛謂之書蓋古書於帛契於冊前人所以垂後後人所以識古舍此蔑由也古籍遭秦火雖孔壁古文復出然已無存者後之人求古文字惟金石爲古人詒留三代以上金多而石少秦漢以下石多而金少夏商之文簡但具子孫及祖父名後則紀以歲月國邑文詞可讀秦自始皇刻石稱皇帝二世詔備列臣名爲石刻之祖漢則制碑式有額有正有陰有既有額而復題於首者有陰亦題額者撰文立碑人及歲月有載於碑文內者有

金石稱例序

朱氏槐廬校刊

特題於後者有題書名者有題工匠名者有題出錢名者後代因之而法益備自宋歐趙諸公著錄至於今好古之士搜輯益廣未有分類而條舉其例者唯元濟南潘文僖創爲金石例十卷獨詳墓誌大段以韓文爲例黃梨洲先生作要例以譏之是也秀水朱先生跋明長洲王止仲墓銘舉例謂王所採一十五家之文足以續蒼崖而補其闕又云墓銘莫盛於東漢鄱陽洪氏隸釋隸續其文其銘體例匪一宜用止仲之法舉而臚列之今洪氏書具在蒙嘗欲取兩漢碑文一一舉其例以補潘氏所遺亦朱先生志也年來奔走四方不暇纂輯丙戌來游粵東晤梁君出示所撰金石稱例四卷蓋先得

我心矣其書分國制官屬姻族喪葬文義時日二氏爲

七類正編始三代迄五季續編則補以宋元遼金末附碑文摘奇一卷可謂詳且備矣然檢洪書所載尙有可以採者如漢蜀郡太守何君閣道碑建武中元二年六月洪氏引新始建國天鳳上戊六年銅斗新始建國地皇上戊二年鉦以証漢莽之時卽位初元冠改元之上可以補國制蜀郡辛通達李仲曾造橋碑題卿洪氏引漢志註引應劭云云又引武開明碑沈子琚碑兩卿以証漢人稱丞爲卿馮緄終于廷尉而碑額題車騎將軍魯峻終于屯騎校尉而碑額題司隸校尉銜名題其尊者孔彪遷下邳相河東太守而碑題博陵太守以碑爲

金石稱例序

朱氏槐廬校刊

博陵人所立故吏爲舊君立碑但題本官劉熊碑陰有稱好學稱德行者北海相景君碑陰有稱修行者蜀郡屬國辛通達李仲曾造橋碑題名稱荷吏舜子巷義井稱分子成都左右生碑有稱文學祭酒中部碑有稱校官祭酒里祭酒金廣延母徐氏紀產碑有稱大婦小婦皆以補官職姻族楊孟文石門頌中遺元二洪氏引論衡及史傳以爲元二年可以補時日如錢氏跋尾所載亦多有可採者南唐龍光寺碑後題開寶二年不稱大宋陶翼嵩臺石室文後題炎宋皇祐五年蕭山縣夢筆橋記稱巨宋崇化寺西塔基記後題唐下元戊午戊午已爲周顯德五年虎邱石幢題下元甲子顯德五載龍

集戊午雖書顯德年號仍冠以下元甲子祇園寺舍利塔題字云戊午顯德五年題戊午于顯德上不稱大周皆祚已移猶用本國年號者七星巖洞趙善擇伯仍等題名稱玉牒是宋人宗室署名不署姓政和二年韓城縣河濱靈源王廟碑陳□趙□郭倫三人皆列降官銜天福史匡翰碑題起復入列銜宋代因之此可補國制官職者他如金陵石刻向未著錄者六合紹聖井題聖宋上元義井題下元壬午宋端平造橋題字皆巷陶發心以及唐同光禪師塔銘有造塔博士宋玉後唐同光法華鈞大德塔銘有博士侯建鐫字造橋博士郝溫宋太平興國鐘有博士韓定六人紹聖通利年鐘有小博士口元小博士王在蓋當時役匠之稱漢鏡鈎刀銘皆用五月丙午是月無丙午亦然蓋取火德之盛元碑紀年多以十二畜如寅爲虎兒年卯爲兔兒年皆可以廣異聞至碑文奇字隸釋及金石文字記錢氏跋尾尙當備採漢唐碑文所引經傳多古本當分引經類以証今本之異漢唐去古未遠而已多別體所用文字古僞間出當分古文類別字類以存六書之遺梁君屬爲叙其書謹錄鄙見以遺之聊備大雅採擇焉道光戊子重九上元愚弟溫葆信

金石稱例 序

朱氏槐廬校刊

自序

古人最重稱號之學爾雅廣雅風俗通方言詳矣盡矣然非今昔互殊卽南北迥別著諸文字反見拘迂至有壽世母而稱嬭傳藝林之笑柄者稱謂之間習焉不察博雅君子將且譏詆於其後然經史冊籍日資翻閱尙易參稽金石則散落山水荒僻或古所存而今已亡或前未見而後始出拓藏未富則證據益難金石稱例之所緣起也顧金之爲物有用易燬皇祖伯考之屬存在識銘僅偶一見不若碑誌之堅好尙有文義可尋蓋石多而金少自來著錄家類然矣春來無事發閱藏碑積爲此帙區分七類始三代迄五季而止每條先標大意證以原文數語泐者缺之他書可考者補之中有互證發明者附以按語別之此又例中之例也戊寅初秋五日梁廷枏自序於藤花亭

金石稱例 自序

朱氏槐廬校刊

金石稱例目錄

卷一

國制類

卽位未改年者以月稱

年號與王封有國之年並稱

拜官未就仍稱前職

稱有天下年數而不書年號

匈奴之長自稱單于 王未受禪下令亦稱詔制

國史稱籍 稱萬祚卽萬年之義

改元稱啟運 太后稱女后

易代後列銜尙題前代 有天下者或稱御紀

金石稱例目錄

朱氏槐廬校刊

天子所居稱別次 公主稱鄉貫

稱先君爲聖考大王 君稱臣爲公

君爲臣撰碑亦稱公 碑敘先帝不稱廟號

謫官後止稱前銜 宗室稱皇族

君稱臣母曰太夫人 稱官第以別於衙署

言本朝止稱曰皇 卽位後碑文仍稱太子

廟號尊號連稱 本朝國號加稱巨字

人主生日稱降誕日 享國世代稱芳葉

官屬類

長官稱明府

同年稱同歲

碑題稱字

題名名字並稱或不稱字或名字俱畧

題名稱弟子門童門生故吏故民

門徒小子合稱

爲長官之祖立碑自題稱字不名

前長官稱舊君

碑陰題名通稱字

敘賞刊石稱義主

題名稱民望都民望

部民稱邑老

邑令謁神自稱不佞

對先輩自稱後學

卷二

姻族類

父考並稱

長子稱大男

金石稱例目錄

朱氏槐廬校刊

敘先世稱及其兄

從弟稱元弟

孫稱元孫

子立父碑稱君

敘人祖父止具官爵不稱名 祖稱祖父

乳母之稱

父死稱亡父

先人稱先尊

敘婦人父兄稱爵不名

女稱息女

父母存歿稱見在過去

本有追尊之廟號可稱而但稱其本官

婦人姓不稱氏

婿稱女夫

居母喪撰文自稱哀子

父稱顯考

歸以排行稱

婦人從夫姓稱某門

爲父書碑自稱嫡子

父稱女曰某娘

爲同族撰碑稱族子 兄弟之子稱姪

父稱嚴考 書女但稱夫族不書適字等字

父稱子爲小舅 父稱烈考

兄稱弟爲舍弟 曾祖稱曾門

爲族子撰碑自稱族叔 婦人署名并及其夫

敘人先祖稱居士 敘婦人稱母不稱父

爲兄誌墓不稱其父名 不稱高曾祖父

敘人先世先父後祖 碑敘子嗣先稱官而後名

同姓稱宗兄 高曾稱高門曾門

長子稱門子 婦人稱君

中表兄弟之子稱表姪 稱人後爲末裔

金石稱例目錄

三 朱氏槐廬校刊

婦人既寡稱霜妻 稱人父母加先字

婦人止稱本姓不繫夫族 父亦有稱皇父者

婦稱齊體 書父碑自稱孤子

父稱阿翁 長子稱元子

幼子稱小男

卷三

喪葬類

稱死者爲先靈 死稱不祿

葬不稱地 刺史死稱薨

葬稱安厝 丁憂稱丁窮罰

服闋稱服終 婦人死亦稱示滅

葬地稱縣稱鄉不稱原 葬稱虔葬

內侍葬稱安厝 婦人死亦稱捐館

卒稱屈命 死稱捐寢葬稱安宅

死稱謝世

文義類

碑後四言有韻之文亦稱敘

部民生頌其長官德政稱誄 爲郡王撰碑稱公

銘文不稱銘曰字 墓銘稱頌

銘曰之曰作粵 撰文稱造文

撰銘稱薦銘 書碑稱題寫

撰碑稱作 文因避諱而去其名之一字

金石稱例目錄

四 朱氏槐廬校刊

文易撰稱製 撰文人結銜名字並稱

墓碑題額稱瑩兆記 碑稱某公曰某卿

釋氏稱律也猶俗之書禮也 撰文稱纂

撰文稱詞 立碑稱樹

墓誌稱誌文 碑禮也變稱孝也

書碑稱寫 稱諡有諡法所無者

稱名加一曰字 撰碑稱述

君爲臣製文稱頌 書人署名自稱逸士

刻石稱碑板 婦人稱號不稱諱

碑稱題諱卽後人填諱所自祖 雙名止題一字

姓下稱氏復稱公 撰文稱述

爲人撰碑文內直稱其人之名

卷四

時日類

朔下書日不稱越

碑不明稱日月

物稱壽稱紀

卒日稱時

碑後署日稱吉旦

計年數獨稱曰夏

年歲稱稔

卒不明書日月

本年稱當年

二氏類

婦人自稱清信女

男子稱清信士

寺主稱上座

釋氏碑或稱紺碣

金石稱例目錄

五 宋氏槐廬校刊

僧年稱報齡

尼死稱捨壽

僧死亦稱遷形

助修橋者稱發心主

造經幢者稱君子

僧死稱示終

釋氏火葬稱施身

尼死或稱遷神

釋氏葬塔稱身塔

僧死稱謝

僧母稱先慈

釋氏稱兄

禪師稱諱稱字稱俗姓

助財稱施主

尼死稱薨

尼年稱法夏

釋氏稱其支派曰系孫

尼號稱法號

僧生卒稱中元後元不稱年號

僧稱公皆冠以名下一字

釋氏徒稱承襲

對釋氏稱俗弟子

婦人稱女弟子

僧有稱小師者

僧病稱示疾死稱歸真

金石稱例目錄

六 宋氏槐廬校刊

金石稱例目錄終

金石稱例卷一

順德梁廷枏纂

吳縣朱記榮校刊

國制類

卽位未改年者以月稱商庚申父丁角銘十六月唯王乙祀也

按公緘鼎稱十四月圓寶鼎方寶璽俱稱十有三

月戊命尊稱十九月古器銘文多有如此

年號與王封有國之年並稱漢魯孝王石刻五鳳二年魯三十四年六月四日成也

拜官未就碑文仍稱前職高陽令楊善碑額止稱高陽也

金石稱例卷一 國制類

朱氏槐廬校刊

按著曾拜思善侯相聞拜後卽以兄憂去官

碑稱有天下年數而不書年號校官碑蓋漢二百八十有七載也

按碑立於靈帝光和四年

匈奴之長自稱單于魏公卿將軍上尊號奏匈奴南單于臣泉

王未受禪下令亦稱詔制上尊號奏而丁卯制書詔臣等曰又臣等伏讀詔書

國史稱籍北魏高植墓誌序茂烈皆備之國籍也

萬祚卽萬年之義元甯造像記卽爲二聖敬造石象一堰順主上萬祚臣僚盡忠也

改元稱啟運東魏齊州刺史高湛墓誌序熙平啟運起家爲司空參軍事也

太后稱女后敎史君顯儁碑于時女后稱制權移外戚也

按此碑名已缺顯儁其字而史傳乃云名顯儁字孝英與碑迥異

易代後而列銜尙題前代者隋開皇六年張公禮撰龍藏寺碑猶稱齊開府長史兼行參軍當時不以爲嫌如此

有天下者或稱御紀唐伊闕佛龕碑頌帝唐御紀文以定祥也

金石稱例卷一 國制類

朱氏槐廬校刊

天子所居稱別次異於諸殿門也揚州都督段志元碑上情深悼傷舉哀於別次

公主亦稱鄉貫蘭陵公主碑公主諱淑字麗貞隴西狄道人也

稱先君爲聖考大王朝鮮朗空大師塔銘聖考大王忽聆遷化良惻仙襟也

君稱臣爲公燕國公子志甯碑乃令中書令來濟宣旨喻懷云公以永徽以來卽當樞要藉公材用爲朕股肱耳目

君爲臣撰碑亦稱公高宗御製李勣碑公名勣字懋功也

追敘先帝不稱廟號兖州都督于知微碑祖志甯皇朝秦王友也

謫官後止稱前銜不稱所謫之銜麓山寺碑題署李邕題署前陳州刺史是也

按邕以開元十三年謫遵化尉是碑作於十八年宗室稱皇族北嶽恒山安天王銘碑陰題名皇族從叔朝請郎行司馬參軍欽回也

君稱臣母曰太夫人鄭國公楊珣碑序又太夫人有苦切之戒也

稱官第以別於衙署雲麾將軍張安生墓誌序以天寶十三載冬十一月十日扈從薨於昭應縣之官第也

金石稱例卷一 國制類 三 朱氏槐廬校刊

按所終第宅不外公私兩地而碑誌所稱多有不
同如客第私第私館私舍公舍之類是也又按官
舍稱公館見殷府君夫人碑

言本朝止稱曰皇左武衛將軍臧懷恪神道碑序祖寵
皇通議大夫也

按宋璟等碑同

即位後碑文仍稱太子中興頌天子幸蜀太子即位於
靈武也

按碑撰於上元二年

廟號尊號連稱田尊師德行頌序中宗大和大聖大昭
孝皇帝之類也

本朝國號加稱巨字即皇大之義揚州大都督段行深
神道碑序巨唐大厯已未也

人主生日稱降誕日淨光塔銘題皇帝降誕日為國建
無垢淨光塔也

享國世代稱芳葉刺史折嗣祚碑昔先王之顧命巨唐
之芳葉也

官屬類

長官稱明府漢北海相景君碑諫伏惟明府受質自天
也

同年稱同歲敦煌長史武班碑序追維昔日同歲郎署
也

金石稱例卷一 官屬類 四 朱氏槐廬校刊

碑題稱字李孟初碑題故宛令益州刺史南郡襄陽李
口字孟初神祠之碑也

碑陰題名或名字並稱或不稱字或名字俱畧韓勅造
孔廟禮器碑是也

碑後題名分列弟子門童門生泰山都尉孔宙碑陰稱
門生者四十二人稱門童者一人稱弟子者十人稱故
吏者八人故民一人

按門生弟子解說甚多而洪氏隸釋較詳云親受
業曰弟子以久次相傳授曰門生未冠曰門童舊

所治官府其據屬曰故吏占籍曰故民非吏非民
則曰處士素非所莅則曰義士義民亦稱議民

門徒小子合稱高陽令楊著碑門徒小子喪茲師範也
爲長官之祖立碑碑陰自題稱字不名太尉楊震神道
碑陰河東孫定博以下百九十餘人皆稱字俱其孫統
之門人也

前長官稱舊君湯陰令張遷表頌感恩舊君也

按同是故吏而稱名稱字不同者亦見是碑

碑陰題名通稱字又不分別故吏門生等名目魏廬江
太守范式碑是也

歛賞刊石稱義主北魏張猛龍清頌碑題名義主參軍
事廣平宋撫民之類也

東魏敬史君碑碑陰題名有稱民望都民望者王氏金

金石稱例卷一 官屬類

五

朱氏槐廬校刊

石萃編以爲皆郡人之著者近是

按武德于府君等義橋石像碑亦有稱民望及民
望土豪者意與此同

部民稱邑老唐元氏縣令龐履溫碑邑老謝虔祐等並
鄉庭積善也

邑令謁神自稱不佞華陰令盧朝徹謁嶽廟文朝徹不
佞獲領茲縣

對先輩自稱後學元次山朝陽巖銘署邑後學田山玉
書石也

光緒歲在強圉大淵獻相月吳縣朱記榮槐廬家塾刊

金石稱例卷一終

金石稱例卷二

順德梁廷枏纂

吳縣朱記榮校刊

姻族類

父考並稱周招觚銘招作乃文考父戊寅尊簋也

按禮記以父考爲存歿異稱據此銘則古人亦未
嘗分別也戊其名文尊詞

長子稱大男漢郎中鄭固碑序先是君大男孟子有揚
烏之才也

敘先世而稱及其兄洵于長夏承碑東萊府君之孫太
尉掾之中子右中郎將弟也

從弟稱元弟司隸校尉楊淮表紀元弟功德牟盛當究

金石稱例卷二 姻族類

一

朱氏槐廬校刊

三事也

按葉氏金石錄補謂悼顓伯未登三公之位而卒
稱元弟以美之

孫稱元孫前碑俱大司隸孟文之元孫也

按洪氏隸續元孫猶元士然以元爲美稱也又金

石錄補准稱弼爲從弟弼又字顓伯以其祖視之
俱爲諸子之長孫非美稱也二說互異當以洪氏

爲長

子立父碑稱君司隸校尉魯峻碑君諱峻字仲巖也

按與唐顏氏家廟碑同

敘人祖父止具官爵不稱名前碑君則監督謁者之孫

脩武令之子

祖稱祖父郃陽令曹全碑高祖父敏曾祖父述祖父鳳也

乳母之稱始見武氏前石室畫像題字第七石第二層父死稱亡父北魏始平公造像記遂爲亡父造石像一區亦稱亡考亡妣安定王造像記仰爲亡祖親大妃亡考太傅靜王亡妣蔣妃敬造石窟一軀也

先人稱先尊安定王造像記敬恃此福上資先尊

按唐口部將軍功德記奉爲先尊及現存姻族亦同是稱

叙婦人父兄稱爵不名司馬景和妻墓誌序蓋中散大

金石稱例卷二

姻族類

朱氏槐庭校刊

夫之幼女陳郡府君之季妹也

女稱息女懷令李超墓誌銘題名息女孟宣年三十六也

父母存歿稱見在過去周王發生造像記七世父母見在父過去母也

按天和四年王某造像記現存母長命延年益壽

蓋與此同

本有追尊之廟號可稱而但稱其本官者隋曹子建碑祖高漢司隸太尉公也

婦人姓不稱氏唐張琮碑祖母李景皇帝之女母寶隨文帝之甥夫人長孫文德皇后之姊也

子撰父碑直稱先代名諱武康郡公令狐熙碑稱遠祖邁祖虬也

婿稱女夫張開疆尹氏女造像記題名女夫尹仁則也居母喪撰文自稱哀子碧落碑哀子李訓誼讓誼也

父稱顯考榮德縣丞梁師亮墓誌序顯考金柱唐奉義郎也

按師亮字永徽永徽爲唐高宗年號竟不知避此可見古人之疏忽也

婦以排行稱僧志遠經幢二新婦三新婦也婦人從夫姓稱某門姜氏女造像記神龍二年七月七日清信女寶門姜也

金石稱例卷二

姻族類

朱氏槐庭校刊

爲父書碑自稱嫡子上騎都尉馮本紀孝碑題嫡子銀青光祿大夫開直昭文館上柱國長樂縣開國男敦直書也

父稱女曰某娘孟友直女墓誌序女十一娘字心河間人也

爲同族撰碑稱族子昭公李思訓神道碑題族子口撰并書也

按是碑撰人官銜俱泐據錢氏潛研堂金石文跋尾定爲李邕耳

兄弟之子稱姪前碑姪吏部尚書兼中書令集賢學士修國史

按碑已缺其名據宗室表定爲李林甫林甫思訓
弟思誨長子又按困學紀聞引通典顏延之曰伯
叔有父名則兄弟之子不得稱姪雷次宗曰姪字
有女明不及伯叔劉貢父刊二程集遂改姪爲猶
子朱子謂古人固不謂兄弟之子爲姪亦無云猶
子者從俗稱姪亦無害於義理今據此碑及顏氏
千祿字書魯公之自稱十三姪男鄭公德政碑之
稱猶子則知兩稱相沿已久宋儒特偶忽之耳
父稱嚴考常熟縣令郭思謨墓誌序嚴考敬同皇幽素
舉高第

金石稱例卷十一

姻族類

四 朱氏槐廬校刊

書女但稱夫族不書適字等字代國長公主碑長女口
范陽盧氏有蕭邕之譽二女琇博陵崔氏資明艷之容
也

父稱子爲小男李貽孫所雪題記小男進士同古學究
靜復行也

父稱烈考牛氏像龕碑即夫人烈考也

按碑文斷缺不可考

兄稱弟爲舍弟臨高寺重修葺碑題銜是也

曾祖稱曾門比邱尼惠源和上神空誌序曾門梁孝明
皇帝也

爲族子撰碑自稱族叔朝議郎裴道安墓誌題署是也
婦人署名并及其夫石壁寺鐵彌勒像頌題太原府參

軍房麟妻渤海高氏書也

按此見女子從夫之義

叙人先祖稱居士故逸人賈士神道碑序祖居士諱希
求也

叙婦人稱母不稱父內侍省內常侍孫志廉墓誌序夫
人則天水郡君趙氏之女也

爲兄誌墓不稱其父之名三墳記先侍郎之子曰某也
叙先世無高曾祖父等稱太常卿趙獻冲碑顯和之元
孫世立之曾孫君煦之孫徵之之子也

叙人先世先父後祖龔邱縣令庾賁德政頌公之考曰
欽嗣爲口州別駕王父曰元汪爲尋陽令曾王父曰師

金石稱例卷十一

姻族類

五 朱氏槐廬校刊

爲蜀王文學

按口字泐據武氏授堂金石跋以爲光州耳

碑叙子嗣先稱官而後名臧懷恪碑七子游擊將軍崇
仁府折衝希崇豐州別駕贈宋州刺史希昶之類也

按臧希晏等碑同

同姓稱宗兄元結墓碑序乃受學於宗兄先生德秀也
高曾稱高門曾門贈揚州都督段行琛神道碑序以至
高門平原忠武王孝先弼亮北齊奄荒東夏又曾門德
濬初罹否運播遷隴坻也

按曾門之稱先見惠源和上神空誌

長子稱門子前碑門子祥穎仲子秀成季子口穎等也

按此亦古人稱家督之義

婦人稱君錢唐縣丞殷府君夫人碑君號口定瑯琊臨沂人也

按蘇東坡爲妻王夫人志墓亦稱君

中表兄弟之子稱表姪會稽郡開國公徐浩神道碑題署表姪前河南府參軍也

婦人後爲末裔武陵縣令瞿府君墓誌序蓋帝譽之末裔也

婦人既寡稱霜妻解進墓誌序霜妻李氏偕老願違也

稱人父母加先字安定郡王李光進神道碑序追命先君儀同爲工部尚書先太夫人史氏爲代國太夫人

金石稱例卷二

姻族類

六

朱氏槐廬校刊

按碑爲令狐楚撰

婦人止稱本姓不繫夫族天水姜夫人墓誌蓋題新平公主姜姜夫人墓也

父亦有稱皇父者處士包公夫人墓誌序皇父諱隣也按碑籍貫下止稱父曰皇父蓋取皇大之義與祖

之稱王父者別

婦稱齊體前碑包公以再傷齊體追悼何心也

祖稱祖王父中大夫王文幹墓誌序南朝元從功臣諱

英進公之祖王父也

書父碑自稱孤子朝議郎韓昶自爲墓誌末題孤子口

書并象也

父稱阿翁龍華寺宰堵波塔序阿翁遺意保厥孫謀也

長子稱元子左拾遺孔紆墓誌序其元子左拾遺養疾亦病逾二旬

幼子稱小男內樞密使吳承泌墓誌序長男修口次男修皆南遷未復小男修口也

金石稱例卷二

姻族類

七

朱氏槐廬校刊

光緒歲在強圉大淵獻相月吳縣朱記榮槐廬家塾刊金石稱例卷二終